

بینه وصف انساندن

بر ترکیب عجیب ، و بر صورت غریب پیدا ایتدکه که : کورنلر ،
برمه برادلمشده ، مشک - سای اولمش ، و بر مشک برادلمشده ،

مه فرسای اولمش ؟

انده بر قدوارکه ، سرور و اندر ؟ او بر پیکدرکه ، همین جان و آدر ،

انده بر بوزوارکه ، آجلسه کله بکرز ؟ بر دیل وارکه ، سوبلسه بلبه

بکرز ؟ انده بر دیش وارکه ، در خوش آبه بکرز ؟ بر طوداق وارکه ،

لعل بابیه بکرز ؟ انده بر چشم وارکه ، عیره بکرز ؟ بر زلف وارکه ،

عنبره بکرز ؟ انده بر آن وارکه بدر اولمش آبه بکرز ؟ بر قاش وارکه

مشک نوزلو یایه بکرز ؟ بر دهن وارکه ، درله طولو یاقوت اولمش ، بر

سخن وارکه ، جانه غدا و قوت اولمش ؟ بر شه باز عقل وارکه ،

خواص قوش - لرینه رئیس اولمش ، بر جان وارکه ، تن قفنه انیس

اولمش ؟ او بر ذاتدرکه ، آینه وجود مطلق اولمش ، انده بر کوکل

وارکه ، همین عرضگاه حق اولمشدر

— « تضرعات عاشقانه » —

الهی ! عشق خسته سینه ، جگر بر یانندن يك كباب ، معصیت بهارینه ،
کوزیاشندن يك شراب اولماز .

الهی ! محبتك كشته سی ، بر شهیدرکه ، قان بلورمز . فرقتك
سوخته سی بر حریقدرکه دخانی بلورمز .

الهی ! هر یرده پیدا ، هر یوزده هویدا — لك ! انجق کوره جك
کوز ، باقه جق یوز كرك . سنكلاه اشنا اولان خلائقندن تنها ، دوست
ایله نهان اولان ، عالمده نا پیدا كرك .

الهی ! بونه حکمتدرکه : نیجه لر دریایه غرق اولمشلر ایکن صوصامشلر !
و نیجه لر هنوز صو کورمه دن قاعشلر در ! ؟

الهی ! بونه قدرتدرکه : فنا بجرنده هلاک اولانلر ابدی بقا ، ویوقلق
المین چکنلر صکره صفا بولورلر . عشق زحمتی ارتدقچه ، ذوق
وحضور ، محبت دردی کلدقچه ، راحت و سرور بولورلر .

عشق

عشق ، معرفت دکنندن بر کوهر درکه : دله شوق و ضیا ویرر .
محبت ، حقیقت معدنندن بر جوهر درکه : کوکله بهجت و بها ویرر .